



六藝之一錄

浙江出版聯合集團  
浙江人民美術出版社

# 石刻文字彙編

〔清〕倪濤

四



六藝之一錄

〔清〕倪濤編 錢偉強等點校

# 石刻文字彙編

四

浙江出版聯合集團  
浙江人民美術出版社

---

### 圖書在版編目(CIP)數據

石刻文字彙編. 四 / (清) 倪濤編; 錢偉強等點校.  
—杭州: 浙江人民美術出版社, 2017. 10  
(六藝之一錄)  
ISBN 978-7-5340-5867-7

I. ①石… II. ①倪… ②錢… III. ①石刻—彙編—  
中國—古代 IV. ①K877.4

中國版本圖書館 CIP 數據核字(2017)第 195262 號

---

## 石刻文字彙編(四)

(清)倪濤編 錢偉強等點校

出版發行 浙江人民美術出版社  
(杭州市體育場路 347 號 郵編:310006)  
責任編輯 霍西勝 屈篤仕 雷芳 張金輝 余雅汝  
封面設計 時代藝術  
責任印製 陳柏榮  
照排 浙江時代出版服務有限公司  
印刷 浙江海虹彩色印務有限公司  
開本 787mm×1092mm 1/16  
印張 31.75  
字數 457 千字  
版次 2017 年 10 月第 1 版 第 1 次印刷  
書號 ISBN 978-7-5340-5867-7  
定價 310.00 圓(精裝)

如發現印裝質量問題,影響閱讀,請與市場營銷部聯繫調換。

# 六藝之一錄卷九十

石刻文字六十六

梁

重建鼓角樓記

鄭勞謙撰，正書，無名氏。開平二年十二月。《復齋碑錄》

重修峴山亭記

無書撰人名氏，篆額。貞明二年十一月。《諸道石刻錄》

鄂州磨崖碑

柳應辰，唐末五代時人，書鄂州磨崖。碑徑二尺四寸，筆勢清勁。洪邁《容齋四筆》

梁僧彥脩草書

乾化缺年刻，今在西安府儒學。《金石文字記》

後唐

伯夷叔齊碑

《伯夷叔齊碑》在蒲州首陽山二賢廟中，後唐同光元年，護國軍節度押衙丁約建立廟宇，題字。《金石文字記》

李存進碑

呂夢奇撰，梁邕楷書并篆額，同光二年立。碑在太原。《金石表》

靈泉院碑

在隆州，同光三年。《輿地碑目》

冥福院牒碑

長興四年九月，今在泰安州冥福寺。此牒無押，而各人各用一印，兩樞密使趙延壽、范延光竝見《五代史》。准字與《嵩山會善寺戒壇碑》，大曆二年牒同。《金石文字記》

重修白帝廟記

劉綸述并行書，篆額，長興二年六月記。《復齋碑錄》

### 千峰禪院勅碑

天成元年，明宗御書，今在澤州盤亭山。未有鹽曰「書詔新鑄之印」。《金石文字記》

### 郭汾陽王真堂記

李悅撰，李鄂正書，清泰三年八月。《金石錄》

右後唐《汾陽王真堂記》，李鸚書。鸚五代時士，爲國子丞，九經印板多其所書，前輩頗貴重之。余後得此記，其筆法蓋出歐陽率更，然寤於法度，而韻不能高，非名書也。《金石錄》

### 鶴巖院記

清泰三年七月立，在金華。《諸道石刻錄》

### 法門寺重修塔廟碑

碑稱天祐十九年，是時唐亡已久，李茂貞尚稱唐年號。又二年而莊宗取梁茂貞稱臣，又一年而茂貞死。戰爭之時，得作此佛事者，以梁、晉構兵，茂貞偷安故也。按傳，茂貞先稱岐王，莊宗改封秦王。據碑，則已先稱秦王矣。碑王仁恭書，亦精勁有法。《石墨鐫會》。天祐，昭宗年號也。

### 刺史脩廨斷碑

無年月，究其官稱，乃後唐之刺郡者。《輿地碑目》

貴平縣牟尚書墓誌

同光五年。《輿地碑目》

普濟院碑

在上高縣，同光中立。《輿地碑目》

王仁裕墓碑

在西和州。《輿地碑目》

孟知祥修城記

天成二年，李昊記。《輿地碑目》

修劍關石刻

天成五年。《輿地碑目》

冥福院碑

長興四年。《金石文字記》

晉

新創卧龍山武靈王學業堂記

李光圖撰，天福三年記，在襄陽之伏龍。《輿地碑目》

建雄節度使相里金碑

天福五年十月，李象撰，成知訓正書，今在汾陽縣小相里之北太師墓上。《五代史·相里金傳》略同，惟傳云字奉金，而此云字國寶；傳云贈太師，而此云贈太子太師。又封西河郡開國侯，而史遺之，皆當以此碑爲正也。碑云顓頊生大業，大業生庭堅，庭堅仕堯爲大理官，至殷末有理徵爲殷伯，其孫仲明逃紂之禍，故去王而稱里氏。至周時晉有大夫里克，其妻同成氏，攜小子季連避地居於相城，時人遂呼爲相里氏。相里武爲漢御史，相里覽爲前趙將軍，而《莊子》書言相里勤之弟子，《韓非子》言有相里氏之墨，作碑者不能引也。《金石文字記》

經藏修造記

在江陵府金鑾寺，天福六年。《輿地碑目》

興法院記

開運三年七月立。《諸道石刻錄》



萬安院碑

天福八年立，在蘭溪縣。《輿地碑目》

樂安院記

僧慧月撰，僧紹清書。天福八年十一月立，在蘭溪。《復齋碑錄》

駙馬都尉史匡翰碑

陶穀撰，閻光遠行書。天福八年立，在太原。《金石表》

開化寺瑤巖閣記

蘇禹珪撰，蘇曉行書。開運二年立，在太原縣。《金石表》

漢

大藏經旨序

郭忠恕撰并篆，袁正己正書。乾祐元年四月。《金石錄》

修高祖廟碑

趙穎撰，郭忠恕八分書。乾祐二年。《金石錄》

龍壽院記

在象山，今名延壽院，乾祐二年置。《輿地碑目》

靈應鐘銘

乾祐三年。《諸道石刻錄》

說文字源

郭忠恕撰篆并正書，乾祐三年七月。《金石錄》

周

明昭院壽塔碑

大理評事章仁安撰，廣順三年六月立，在武義。《諸道石刻錄》

邢郡勅修六曹軒宇記

顯德元年八月，僧應文撰，正書，今在順德府城西舊莊。書不佳，又多謬字。《金石文字記》

衛州刺史郭公屏盜碑

顯德二年五月，杜韡撰，孫崇望正書，今在衛輝府治。郭進爲衛州刺史，群盜屏跡，世宗勅右補闕杜韡序其事。《金石文字記》

普濟院碑

顯德二年立，在義烏縣。《輿地碑目》

南平高王廟碑

顯德二年，孫光憲撰。《輿地碑目》

龍泉禪院記

徐綸撰，王獻可後序并正書，僧師試篆額。顯德二年立，在陽城縣。《金石表》

中書侍郎景範碑

顯德三年扈載，文在鄒平縣西南五里。《金石表》

鄒平縣南五里，有景相公墓。《通鑑》後周顯德元年七月癸巳，以樞密院直學士工部侍郎長山景範爲中書侍郎同平章事，此地唐時屬長山也。景氏之裔自洪武間有兩舉人，至今亦尚有諸生，不能記其祖矣，不知何年謬傳爲晉之景延廣，而邑志載之以後，《山東通志》等書襲舛承訛，無不以爲延廣墓。後有令於此者，謂延廣在晉爲誤國之臣，遂至笞其後人而毀其祠。昔年邑之士大夫亦有考五代事而疑之者，予至其邑，有諸生二人來，稱景氏之孫，請問其祖爲誰。予乃取《通鑑》及《五代史·周世宗紀》示之，又示以《景延廣傳》曰：延廣字航川，陝州人也，其官爲馬步軍都指揮使，非此明矣。乃謝而去，問一日往郊外視其墓碑，其文爲翰林學士朝議郎、尚書水部員外郎、知制誥柱國扈載撰，雖剝落者十之一二，而其曰故中書侍郎平章事景公諱範，字甚明白，且生封上柱國、晉陽縣開國伯，沒贈侍中，而其文有曰：我大周聖神恭肅文武孝皇帝建大功於漢室，爲北藩於魏郡。又曰：今皇帝嗣位，登用舊臣。又曰：冬十一月薨於淄川郡之私第。其末曰顯德三年歲次丙辰十二月己未朔。越十日戊辰。因嘆近代士人之不學，以本邑之人書本邑之事，而猶不可信，以明白易見之碑而不之視，以子孫而不識其先人，推之天下郡邑之志，如此者多矣。《金石文字記》

### 永寧院碑

進士張安世撰，顯德四年四月立，在蘭溪。《諸道石刻錄》

### 輔順廟碑

在吉州永和鎮，顯德五年立。《輿地碑目》

### 永安縣記

顯德七年立，在都昌縣。《輿地碑目》

### 楊凝式長壽華嚴院東壁詩

少師此詩本題於西都長壽華嚴院東壁，僕近歲官洛，因覽宋次道《三川宮下記》知之，亟往觀焉。墨蹤石本皆弗之見，院僧云三十年前有士人寓是院數歲，及徙居他郡，壁與石亦弗之見，豈非好事者負之而趨乎？今忽得此本，殊可欣也。政和三年六月二十八日，黃某書。《東觀餘論》

### 楊凝式題名并書

不著年月。凝式時爲太子賓客，又其一稱歲在癸丑者，周廣順元年也。又有詩二首。凝式時爲太子少師，按凝式當晋天福初爲太子賓客，其分司爲少卿在漢乾祐中。石在洛陽人家。《集古錄目》

右《楊少師凝式題名》并李西臺詩附。自唐亡，道喪四海，困於兵戈，及聖宋興，天下復歸於治，蓋百有五十餘年。而五代之際有楊少師，建隆以後稱李西臺，二人者筆法不同，而書名皆爲一時之絕，故并錄於此。《集古錄》

### 楊凝式灘院記

唐人多善書者，隸楷行草，往往各盡其妙。涉五代而字體衰矣，獨楊公凝式號得筆法，洛中碑誌、石刻、官寺、僧舍多其題識，至今尚存。校之一時墨迹，固不類矣。伯鎮所臨《中灘浴室記》是其書撰，文格雖不甚高，而詞氣宏贍，猶有

唐人之風範，亦可嘉也。《蘇魏公集》

### 補錄

#### 漢重修高廟碑

《漢重修高祖廟碑》，郭忠恕八分書。余年十七八時已，喜收蓄前代石刻，故正字徐人陳無已爲余言，豐縣有此碑，托人訪求，後數年乃得之，然字畫頗軟弱。余家有忠恕八分《懷高樓記》墨蹟，乃其暮年所書，筆力老勁，非此碑之比。亦嘗刻石，今錄於次。《金石錄》

#### 周文宣王廟記

右《周文宣王廟記》，題縣令郭忠恕撰并書。按國史，忠恕爲漢湘陰從事，周祖徵爲博士，國初貶乾州司戶參軍，太宗朝復任國子主簿，流登州，卒。不載其嘗爲縣令也。記曰縣在汝水之汭，嵩山之陽，不知其爲何縣。最後題甲寅四月十五日建，蓋周世宗顯德元年也。或云此碑在汝州界中。《金石錄》

### 十國 吳

#### 開善寺浴院井記

無撰人姓名，李陶正書并篆額。順義七年六月日缺記。《復齋碑錄》

徐溫鑄興化院鐘記

武義二年十月二十三日立，在建康府城香林寺。《復齋碑錄》

吳徐公重建靈寶院記

道士王西霞撰，道士呂子元正書并篆額。太和三年重光辛酉閏九月九日癸巳記。《復齋碑錄》

問政先生碑

順義中，方誦文，在歙縣。《輿地碑目》

羅漢寺記

在安仁，順義六年立。《輿地碑目》

鄂州磨崖碑

吳居中，楊吳荆江京漢將軍也，《鄂州磨崖碑》，大字凡三十五，其文曰：乾正元年，大吳將軍出陳武昌，詔太守楊公出鎮荆江京漢。推忠輔國侍衛將軍吳居中記。《容齋四筆》

慈雲寺石幢

在江夏縣，乾貞二年建。《輿地碑目》

楊溥浮橋記

乾貞二年立。《輿地碑目》

浮梁縣鐘銘

方廷珪，楊吳武義間書《饒州浮梁縣鐘銘》。《書史會要》

靈寶院記

道士呂子元，吳太和三年書王栖霞所撰《靈寶院記》。《書史會要》

南唐

重復練塘銘

呂延真述并書，昇元七年刻，并學華所述《復練塘頌》，亦延真書。《復齋碑錄》

彌勒菩薩上生殿記

楊弼撰，僧慕莊書，保大三年二月二十日，杜昌業建。《諸道石刻錄》



太一觀董真人殿碑

道士倪少通撰，道士鍾德載正書并篆額，保大十一年十一月。《復齋碑錄》

東林寺上方禪師舍利塔記

彭瀆撰并分書額，伊從道正書。保大十四年歲次丙辰十月庚申建，王文秉刻。《復齋碑錄》

文宣王廟記

徐鉉撰。《諸道石刻錄》

張靈官記

徐鉉撰，徐鍇書并篆額，歲次癸酉上元立。《諸道石刻錄》

義門陳氏書堂記

徐鉉撰，徐鍇書并篆額。《諸道石刻錄》

義興縣道觀北極殿碑

徐鍇撰并八分書，徐鉉篆額，戊辰歲建。《復齋碑錄》